

ক্ষমতা অর্পণ

৫৩। মহা-পরিচালক এই আইনের অধীন তাঁহার কোন ক্ষমতা বা দায়িত্ব প্রয়োজনবোধে, লিখিত আদেশ দ্বারা, তাঁহার অধঃস্তন যে কোন কর্মকর্তাকে অর্পণ করিতে পারিবেন।

ক্ষতিপূরণ ইত্যাদির দাবী অগ্রহণযোগ্য

৫৪। ধারা ২৭ বা ২৮ এর অধীন প্রদত্ত কোন আদেশের ফলে কোন লাইসেন্স, পারমিট বা পাসধারী ব্যক্তি ক্ষতিগ্রস্ত হইলে তিনি তজ্জন্য, অন্য কোন আইনে যাহা কিছুই থাকুক না কেন, কোন ক্ষতিপূরণ দাবী করিতে পারিবেন না বা তৎকর্তৃক প্রদত্ত কোন ফিস ফেরৎ চাহিতে পারিবেন না।

বিধি প্রণয়নের ক্ষমতা

৫৫। এই আইনের উদ্দেশ্যে পূরণকল্পে সরকার, সরকারী গেজেটে প্রজ্ঞাপন দ্বারা, বিধি প্রণয়ন করিতে পারিবে।

রহিতকরণ ও হেফাজত

৫৬। (১) এই আইন প্রবর্তনের সংগে সংগে Opium Act, 1857 (Ben. Act XIII of 1857), Opium Act, 1878 (I of 1878), Excise Act, 1909 (Ben. Act V of 1909), Dangerous Drugs Act, 1930 (II of 1930) এবং Opium Smoking Act, 1932 (Ben. Act X of 1932), অতঃপর উক্ত আইনগুলি বলিয়া উল্লিখিত, রহিত হইবে।

(২) উক্ত আইনগুলি উক্তরূপে রহিত হইবার সঙ্গে সঙ্গে-

- (ক) Department of Narcotics and Liquar, অতঃপর বিলুপ্ত ডিপার্টমেন্ট বলিয়া উল্লিখিত, বিলুপ্ত হইবে;
- (খ) বিলুপ্ত ডিপার্টমেন্টের সকল সম্পদ, অধিকার, ক্ষমতা, কর্তৃত্ব ও সন্নিবন্ধ এবং স্থাবর ও অস্থাবর সম্পত্তি অধিদপ্তরে হস্তান্তরিত ও ন্যস্ত হইবে;
- (গ) বিলুপ্ত ডিপার্টমেন্টের সকল কর্মকর্তা ও কর্মচারী অধিদপ্তরে বদলী হইবেন এবং উহার কর্মকর্তা ও কর্মচারী হইবেন এবং তাঁহারা উক্তরূপ বদলীর পূর্বে যে শর্তে চাকুরীতে ছিলেন, সরকার কর্তৃক যথাযথভাবে পরিবর্তিত না হওয়া পর্যন্ত সেই একই শর্তে উহার অধীনে চাকুরীতে থাকিবেন;
- (ঘ) উক্ত আইনগুলির অধীন প্রণীত সকল বিধি, প্রদত্ত সকল আদেশ, জারীকৃত সকল প্রজ্ঞাপন বা নোটিশ এবং মঞ্জুরীকৃত সকল লাইসেন্স, পারমিট, পাস ও অনুমতি, এই আইনের বিধানাবলীর সহিত সামঞ্জস্যপূর্ণ হওয়া সাপেক্ষে, রহিত বা সংশোধিত না হওয়া পর্যন্ত, বলবৎ থাকিবে এবং এই আইনের অধীন প্রণীত, প্রদত্ত, জারীকৃত বা মঞ্জুরীকৃত হইয়াছে বলিয়া গণ্য হইবে;
- (ঙ) বিলুপ্ত ডিপার্টমেন্ট কর্তৃক বা উহার বিরুদ্ধে দায়েরকৃত মামলা বা মোকদ্দমা অধিদপ্তর কর্তৃক বা উহার বিরুদ্ধে দায়েরকৃত মামলা বা মোকদ্দমা বলিয়া গণ্য হইবে।

(৩) উক্ত আইনগুলির কোন একটির দ্বারা বা উহার অধীন আরোপিত কোন কর, শুল্ক বা ফিস বা অন্য কোন পাওনা, এই আইন প্রবর্তনের অব্যবহিত পূর্বে, অনাদায়ী থাকিলে উহা উক্ত আইন অনুযায়ী আদায় করা হইবে যেন উক্ত আইন রহিত হয় নাই।

(৪) Excise Act, 1909 (Ben. Act V of 1909) এর অধীন প্রণীত আবগারী শুল্ক (Excise duty) সংক্রান্ত বিধিমালা এই আইনের অধীন আরোপিত মাদক শুল্ক সংক্রান্ত বিধিমালা বলিয়া গণ্য হইবে এবং মাদক শুল্ক সংক্রান্ত স্বতন্ত্র বিধিমালা প্রণীত না হওয়া পর্যন্ত উক্ত বিধিমালা, প্রয়োজনীয় সংশোধন সাপেক্ষে, বহাল থাকিবে এবং উহাতে যেখানে যেখানে “আবগারী শুল্ক” শব্দগুলি রহিয়াছে, সেখানে, অসংগতি না হইলে, “মাদক শুল্ক” পড়িতে হইবে।

(৫) মাদকদ্রব্য নিয়ন্ত্রণ অধ্যাদেশ, ১৯৮৯ (অধ্যাদেশ নং ১৯, ১৯৮৯) এতদ্বারা রহিত করা হইল।

(৬) উপ-ধারা (৫) এর অধীন রহিতকরণ সত্ত্বেও, রহিত অধ্যাদেশের অধীন কৃত কাজকর্ম বা গৃহীত ব্যবস্থা এই আইনের অধীন কৃত বা গৃহীত হইয়াছে বলিয়া গণ্য হইবে।

প্রথম তফসিল

[ধারা ২ (৬) দ্রষ্টব্য]

‘ক’ শ্রেণীর মাদকদ্রব্য

১। অপিয়াম পপি (Opium Poppy) বা তৎনিঃসৃত আঠালো পদার্থ।

২। পরিশোধিত, অপরিশোধিত, তৈরীকৃত যে কোন আফিম বা আফিম সহযোগে তৈরী যে কোন পদার্থ।

৩। আফিম উদ্ভূত মাদকদ্রব্যসমূহ (Opium Derivatives) যথা : মরফিন (Morphine), কোডিন (Codeine), ^১ হেরোইন (Heroin), বুপ্রেনরফাইন (Buprenorphine),^২ থিবাইন (Thebaine), নোজকাপাইন (Noscaine), নারকটিন (Narcotine), প্যাপাভারিন (Papavarine) ইত্যাদি এবং ইহাদের ক্ষারসমূহ।

৪। শতকরা ০.২ এর অধিক মরফিনযুক্ত যে কোন পদার্থ।

৫। আফিমের সমধর্মী কৃত্রিম উপায়ে তৈরী যে কোন মাদকদ্রব্য যথা: পেথিডিন (Pethidine), মেপারডাইন (Meperidine), মেথাদন (Methadone), ডেক্সট্রোমোরামাইড (Dextromoramide), ডাইহাইড্রোকোডিন (Dihydrocodeine), মেপারডাইন ফেন্টানাইল (Meperidine Fentanyl), পেন্টাযোকাইন (Pentazocaine), হাইড্রোমরফিন (Hydromorphone), অমনোপন (Omnopone), আলফাথোডাইন

^১ “হেরোইন (Heroin), বুপ্রেনরফাইন (Buprenorphine),” শব্দগুলি, বন্ধনীগুলি ও কমাগুলি মাদকদ্রব্য নিয়ন্ত্রণ (সংশোধন) আইন, ২০০০ (২০০০ সনের ৩৯ নং আইন) এর ২৩ ধারাবলে সন্নিবেশিত।

(Alphaprodine), ডিমেরাল (Demeral), অক্সিকোডন (Oxycodone), এট্রোফাইন (Etrophine), লোফেন্টানাইল (Lofentanyl), আলফেন্টানাইল (Alfentanyl), আলফামিথাইল ফেন্টানাইল (Alphamethyl Fentanyl), ৩-মিথাইন ফেন্টানাইল (3-Mehtyl Fentanyl), অ্যাসসিট্রোফাইন (Asscetrophine), এসিটাইল মেথাডল (Acetylmethadol), আলফাসিটাইল মেথাডল (Alphacetylmethadol), বেরোপ্রোডাইন (Betaprodine), ইত্যাদি।

৬। কোকা পাতা, কোকেন (Cocaine), বা কোকা উদ্ভূত সকল মাদকদ্রব্য (Cocaine derivatives)।

৭। শতকরা ০.১ এর অধিক কোকেনযুক্ত যে কোন পদার্থ অথবা কোকেনের যে কোন ক্ষার।

৮। যে কোন রূপে টেট্রাহাইড্রোকেনাবিনল (Tetrahydrocannabinol), ক্যানাবিস রেসিন (Cannabis resin), বা চরস (Charas) বা হাশিশ (Hashish) ইত্যাদি।

৯। †এফিড্রিন (Ephedrine), এরগোমেট্রিন (Ergometrine), এরগোটামিন (Ergotamine), লাইসারজিক এসিড (Lysergic acid), ১-ফেনাইল-২-প্রোপানন (1-Phenyl-2-propanone), সিউডো এফিড্রিন (Pseudo ephedrine), এন-এসিটাইল এনথ্রানিলিক এসিড (N-Acetyl anthranilic acid), আইসোস্যাফরোল (Isosafrole), ৩, ৪-মিথাইল এনিডাইওক্সিফেনাইল-২-প্রোপানন (3, 4-methylenedioxyphenyl-2, Propanone), পিপারোনাল (Piperonal), স্যাফরোল (Safrole), এসিটিক এ্যানহাইড্রাইড (Acetic anhydride), এসিটোন (Acetone), এ্যানথ্রানিলিক এসিড (Anthranilic Acid), ইথাইল ইথার (Ethyl Ether), ফিনাইলাসিটিক এসিড (Phenylacetic Acid), পিপারিডাইন (Piperidine), হাইড্রোক্লোরিক এসিড (Hydrochloric Acid), মিথাইল-ইথাইল-কিটোন (Methyl-Ethyl-Ketone), পটাশিয়াম পারমাংগানেট (Potassium Permanganate), সালফিউরিক এসিড (Sulphuric Acid), টলুইন (Toluene)।†

১০। মেসকালাইন (Mescaline)।

‘খ’ শ্রেণীর মাদকদ্রব্য

১। গাঁজা গাছ (Hemp plant), গাঁজা (Herbal Cannabis), ভাং, ভাং গাছ অথবা গাঁজা বা ভাং সহযোগে প্রস্তুত যে কোন পদার্থ।

২। নেশার উৎস রূপে ব্যবহৃত হইতে পারে (তামাক ব্যতীত) এমন অন্যান্য যে কোন উদ্ভিদ।

^১ মাদকদ্রব্য নিয়ন্ত্রণ (সংশোধন) আইন, ২০০০ (২০০০ সনের ৩৯ নং আইন) এর ২৩ ধারাবলে প্রতিস্থাপিত।

৩। এ্যালকোহল (Alcohol) সকল প্রকার মদ, রেক্টিফাইড স্পিরিট (Rectified spirit), রেক্টিফাইড স্পিরিট সহযোগে প্রস্তুত যে কোন ঔষধ বা তরল পদার্থ, ^১ওয়াশ, বিয়ার (Beer) কিংবা ^২০.৫% (দশমিক পাঁচ শতাংশ) এর অধিক এ্যালকোহলযুক্ত যে কোন তরল পদার্থ।

৪। এল.এস.ডি (LSD) কিংবা এল.এস.ডি. যুক্ত যে কোন পদার্থ।

৫। বারবিচুরেটস (Barbiturates) বা সমগোত্রীয় যে কোন পদার্থ।

৬। এ্যামফিটামিন (Amphetamine), মিথাইল এ্যামফিটামিন (Methyl amphetamine) বা এ্যামফিটামিনযুক্ত যে কোন বস্তু।

৭। ফেনসাইক্লিডাইন (Phencyclidine), সাইলোসাইবিন (Psilocybin), নিকোকোডাইন (Nicocodine) বা এইগুলি যুক্ত যে কোন বস্তু।

৮। মেথাকোয়ালন (Methaqualone) বা মেথাকোয়ালন যুক্ত যে কোন বস্তু।

‘গ’ শ্রেণীর মাদকদ্রব্য

১। তড়ী, পঁচুই ইত্যাদি।

২। ডিনেচার্ড স্পিরিট (Denatured spirit) বা মেথিলেটেড স্পিরিট (Methylated spirit)।

৩। ক্লোরডাজিপক্সাইড (Chlordiazepoxide), ডাজিপাম (Diazepam), অক্সাজিপাম (Oxazepam), লোরাজিপাম (Lorazepam), ফ্লুরাজিপাম (Flurazepam), ক্লোরাজিপেট (Clorazepate), নাইট্রাজিপাম (Nitrazepam), ট্রায়াজোলাম (Triazolam), টেমাজিপাম (Temazepam) ইত্যাদি।

৪। ‘খ’ শ্রেণীতে উল্লিখিত হয়নি এমন যে কোন সিডেটিভ, ট্রাংকুইলাইজার বা হিপনোটিক ঔষধ।

৫। ‘ক’ বা ‘খ’ শ্রেণীতে উল্লিখিত হয়নি এমন যে কোন স্টিমুল্যান্টস (Stimulants) বা ডিপ্রেজ্যান্ট ঔষধ।

^১ “ওয়াশ, বিয়ার (Beer)” শব্দগুলি, কমা ও বন্ধনীগুলি “বিয়ার (Beer)” শব্দগুলি ও বন্ধনীগুলির পরিবর্তে মাদকদ্রব্য নিয়ন্ত্রণ (সংশোধন) আইন, ২০০০ (২০০০ সনের ৩৯ নং আইন) এর ২৩ ধারাবলে প্রতিস্থাপিত।

^২ “০.৫% (দশমিক পাঁচ শতাংশ)” সংখ্যা, চিহ্ন, বন্ধনী ও শব্দগুলি “৫%” সংখ্যা ও চিহ্নের পরিবর্তে মাদকদ্রব্য নিয়ন্ত্রণ (সংশোধন) আইন, ২০০৪ (২০০৪ সনের ১৩ নং আইন) এর ৩ ধারাবলে প্রতিস্থাপিত।